

¡BOMBA!

Gran inversión se avecina,
que afianza soberanía,
con soporte a garantía
de abasto de medicina



K'intsil

Edición de fin de semana, del viernes 8 al domingo 10 de agosto de 2025

CAMPECHE · YUCATÁN · QUINTANA ROO · AÑO 11 · NÚMERO 2538 · www.lajornadamaya.mx

KUYUN KAAAN,

KU TUKULTA'ALE' LETI'E' K'AAK'AS KAAAN KU CHI'IBALO', BA'ALE' YAANAL

Ichil u k'áaxilo'ob U Petenil Yucatáne' kaja'an juntúul chichan kaan ts'o'oke' ma'atech u chi'ibal, kex tumen yaan u chakil u boon, ba'ale' kex beyo' mantats' u kiinsa'al tumen ku sajaktal máak ti'. Kuyun kaan u k'aaba'. Ich káastelane' k'ajóolta'an beey *culebra de cafetal espalda roja*, *dormila wa coralillo falso*, yéetel u científico k'aaba'e' *Ninia sebae*. Lela' juntúul kaan kex jach k'a'anan ti'al u kuxtalil k'áaxe', ku tukulta'al leti'e' ku chi'ibalo'.

Yóok'olal le talamila', jbiólogo José Rogelio Cedeño Vázquez,

u jxak'al xookil Departamento de Sistemática y Ecología Acuática ichil El Colegio de la Frontera Sur (Ecosur) Unidad Chetumal, tu beetaj xchukul páayt'aan ti'al u péektsilta'al u k'a'ananil u kaláanta'al, tumen le kaan je'ela' ma' sajbe'entsil ti'al wiiniki'.

Ninia sebae chichan: kéen nuukake' ku p'isik ichil 25 tak 30 centímetros u chowakil. Ba'ale' je'el u satik u yóol máak wa ma' u k'ajóol kaani'. Táax u paach yéetel ku léembal. U boonile' jejeláas bix u chiikpajal, yaan súutuke' túulis chak, wa wáaway chak, ts'o'oke' yaan xan u boox t'o'olil.

Ku yila'al leti'e' kuyun kaano' tumen u poole' boox yéetel yaan chak t'o'olil u kaal, yaan k'iin ku k'uchul tak tu no'och. Le túun u t'o'olil u kaalo', bak'pachta'an tumen uláak' boox t'o'ol.

Ya'abach tu'ux ku yila'al le kaana', desde tu chúumukil Veracruz, tak tu noojolil Oaxaca, tu lu'umil México, ba'ale' k'ucha'an tak Panamá. Tak noj lu'ume' suuk u yila'al tu táax k'áaxil tu jáalik Golfo sur, tu sierrail Chiapas yéetel Guatemala, je'el bix xan tu Petenil Yucatán.

Suuk u péek ti' lu'um, yéetel de áak'ab. Tu Petenil Yucatáne'

suuka'an u yantal tu yanal sojol, tuunich wa che'ob luba'an, tu'ux ma' seen ooxoli', mix seen ke'eli'.

Kuyun kaabe' ti' je' ku tóop'ol. Kéen yanak u mejenile', ku p'isik ichil 85 yéetel 135 milímetros u chowakil.

Kéen u yu'ub sajbe'entsil yane', le chan kaana' ku túuts'kunsik u wiinkilal, ti'al u ye'esikubáaj maas polok, yéetel ti'al u sajakuunsik le ba'ax óotik jaantiko'. K'a'anan ti'al u kuxtalil k'áax tumen ku jaantik xlukum kaan, úurich, x-iisil, ichil uláak'o'ob. Le beetik ku yáantaj ti'al u yanyal u p'iis ba'alche'ob te'el lu'umo'.

MIGUEL AMÉNDOLA
OOCHEL COURT HARDING

ESPECIAL: FAUNA NUESTRA | P. 42 YÉETEL 43

